





Nada haya den dam di Moko



ORANJESTAD(AAN)—A yera mainta un busqueda a cuminsa den e dam yama “Dam di Moko”. Varios buzo y miembronan di Texas Equu Search tabata tanto riba tera como den awa pa busca y

sondea un curpa. Por a mira cu ademas di aparatonan di sondea, esnan riba tera por a comunica cu esnan bao di awa. E busqueda a dura te oranan di tardi sin ningun resultado

positivo. Tabata tin otro gruponan di militar, cruz cora y voluntarionan di Texas buscando tambe na otro caminda. Presencia di prensa



no a ser gusta y den un conferencia di prensa merdia, Tim Miller, director di Texas Equu Search a bisa cu cameranan di filma ta interferi cu e aparato di sondea. Pesey nan no kier prensa na lugarnan den sondeo. Finalmente Miller a bisa cu si

nan haya algo y tin prensa presente, nan lo haci como si fuera no a haya nada y lo sali di awa. Ora cu ningun hende ta mira lo bolbe pa saca, den e caso aki, e curpa, si nan haye. Riba e potretnan por mira e movecionnan ayera na e dam.